

小檀藥室彙刻閨秀詞

711.3
52816
22

小

學堂

學堂

閨秀詞鈔卷三目

查清

九首

章有湘

一首

章有渭

一首

曹鑑冰

十首

商景微

二首

吳文柔

二首

周瓊

三首

張粲

三首

李眺

一首

汪嫺

一首

堵霞

二首

嚴淑珍

二首

許冰玉

一首

宋瑛

二首

季嫺

五首

宋凌雲

一首

顧樹芬

二首

陸幽光

二首

萬淑修

四首

顧道喜

三首

邵笠

四首

束蘅

四首

郁大山

二首

邵斯貞

一首

陸敏

四首

顧之瓊

十首

陸鳳池

二首

陸真

一首

蔡婉羅

四首

虞兆淑

一首

徐淑秀

四首

卷之四

四首

劉永州

一首

蘇端委

四首

劉

四首

劉玄慶

一首

劉鳳斯

二首

劉真

一首

昭

四首

東

一首

昭大山

二首

昭琪良

一首

顧

二首

劉陶光

一首

萬昭登

一首

顧歡喜

一首

符

一首

宋

一首

平

一首

宋炎雲

一首

李

一首

王

一首

澤

一首

顧端廷

二首

高

一首

吳文榮

二首

周

二首

張

三首

省

一首

章

一首

章

一首

曹

十首

國表隨錄卷三目

閨秀詞鈔卷第三

南陵徐乃昌譔錄

查清

清字太清青陽人知州劉靜寰室有綠窗小草

衆香詞太清有大德善持家賢而不妬決疑處
難數出奇謀刺史賴助甚多晨昏課子人稱嚴
母散財好義鄉里藝林咸欽坤德誠巾幗學士
也其琴書吟咏乃餘事耳雲間閨秀曹葦堅曾
序其綠窗小草行世

望江南

寄曹葦堅

見衆香詞

春來也依舊不相逢梅放恨無人共賞書裁幸有雁相
通何日返吳淞

採桑子

答葦堅步原韻

心情千里憑魚雁渭樹江雲一望昏昏不見江南錦繡
春嘗餐匙滑蓴羹美今始思蓴恨昔逡巡曾訪溪邊
黃葉門

前調

其二

幾番寄我詩兼畫滿紙煙雲樂我晨昏新句難酬白雪
春何時再買秋風棹重採吳蓴酌酒三巡衰柳芙蓉
認竹門

山花子

隣女

嫩色新裁杏子衫留仙袞梁墨斑斑羅襪覆鞋紅一點
踏花殘水底照容容如月鏡中梳鬢鬢成蘭假使當
年吳道子畫應難

憶秦娥

晚步訪曹韋堅

斜橋畔銀丸照破垂楊綫垂楊綫垂垂滿地任儂蹂踐
靡蕪碧映溪流淺槿籬色護柴門掩柴門掩咩咩犬
吹書燈紅閃

青玉案

美人倦繡

何來枝上禽調舌輕喚起莊生蝶日映螺奩鈿懶貼梨
容雨濕柳腰烟裊一樣低迴怯臨池擬學夫人帖無
力拈毫素箋摺斜倚香篝裊裊結春山頻鎖秋波慵展
半是愁時節

杏花天

杏花

甚花偷得春風巧勻粉薄凝脂猶少梅花冷淡桃花俏

多被此花占了 蜂蝶採花容自惱烟雨潤花容自好

花外酒旗搖颺早

句應平平仄仄

應有醉花人到

感皇恩

東曹葦堅上

莫怪嗜鱸魚每懷珂里接得魚書眼開翳山山水水爲
甚描將書裏令人常惹望江南意 此際華亭桂花香
細繡閣應多消遣計花間攜手人欲天從何易夢牽紅
樹情深無已

暗香

落梅

飛飛玉屑弟一番風信吹來輕劣喚起新粧鏡裏纖英
正宜貼亂點叢蘭石畔恍疑是尋芳蝴蝶恁叨嘈

二字應仄

翠羽枝頭叫落黃昏月

嗚咽笛聲徹惹古驛荒村夢

魂淒絕膽瓶凍裂揉碎寒姿可禁折寄語天邊滕六把
撇下餘香休滅使片片猶戀在畫裊百褶

章有湘

有湘字玉筐又字令儀號橘隱華亭人羅源令

曠女進士桐城孫中麟室有澄心堂詞

林下詞選有湘與妹有渭並有才名

名媛繡鍼玉筐功時常背誦擣衣篇長恨歌一
字無譌與姊瑞麟妹玉璜廻瀾掌珠並擅才名

安慶府志玉筐聞中麟卒於邸遂引繩自縊者
再姑救之得不死會柩歸又縊婢覺又救之爲
未亡人十七年終以悲致病殞

龍眠風雅玉筐所著澄心堂詩望雲草再生集
訴天雜記皆孤猿寡鵠自寫其憂傷哀怨之音
君子讀而悲其志焉

浣溪沙

旅懷

見林下詞選

詞綜

此夜難分怨曉鐘夢魂偏又到吳淞愁情先上兩眉峯
滄海一聲臨遠道蘭橈千里破長風可憐回首隔江
東

章有渭

有渭字玉璜華亭人有湘妹嘉定侯泓室有淑

清草燕喜樓草

練音續集玉璜于歸後以上谷多難夫婦遁迹
偕隱有桓鮑風旣而仍還故里相保於敗巢破
卵之餘者皆氏力也

玉樓春

寄外

見詞雅

月華一簇雲團結秋到愁邊無可說人傳郎意薄於雲
儂信此心明似月月明會有圓時節怪殺閒雲隨處

沒雲消月墮夜淒清只有離懷無斷絕

曹鑑冰

鑑冰字葦堅號月娥金山人爾垓女婁縣張殷

南六室有繡餘試硯稿清閨吟

江蘇詩徵劉書之云殷六家貧鑑冰授學徒經書以自給能書善繪造請者咸稱葦堅先生清詩備采集月娥工詩詞善丹青惜張君不遇時半世青蓮而太君和氣怡怡同賡偕老詩詞皆清新婉轉嫵美古人

採桑子

答劉夫人

見衆香詞附

自從封寄花箋後暑雨涼雲挨盡黃昏纔得鴻來又小
春幾時相見兜兜話候採湖蓴節鉞南巡再訪溪橋

蛟蝶門

疎影

雁影

見詞綜

昭代詞選

詞雅

行行點點問誰將淡墨憑空灑徧雪壓危橋月暈閒庭
描寫春愁秋怨蘆花港淺參差過還認是掠波歸燕帶
斜陽時近南樓界出一繩天遠總使懸鉞垂露只模
糊不辨隸蟲符篆寫上征衫落到寒砧可也寄封書便
驚弦任爾高飛起原依約晴川荒甸最銷魂暮雨朝雲
吹墮平沙難見

南浦

春水和母

見昭代詞選

詞雅

書屋正臨溪喜春迴淺碧鄰晴曉一片縠紋輕紅襟
燕掠處翠萍如掃仙源難覓浮來千點桃英小十里銀
塘迷望眼色映離披芳草溶溶漾漾橋邊豈離人愁

淚流將不了楊柳綠陰濃風生處時有白鷗飛到烟雲
渺渺釣船歸矣漁歌悄試問者番新雨後添得浪花多
少

步蟾宮

卻燕

見詞雅

任伊繞徑翻雙剪紗櫺子齊關紅扇去年不聽故人留
又何用故人重見舊巢泥污休依戀請棲託隣家深
院算儂非是忒無情怕牽惹秋來腸斷

疎影

蝶影

階前雨雨總迴旋高舞不離書幌素袖空黏采扇虛晃
作出一番輕浪綠錢勻處依稀見似栩栩夢魂飄蕩穩
棲香冷月光中仍與花枝相傍倩人滕王筆底怕蛾

粉鴉黃總難偷樣疑假猶真是也非耶偏漏彫簷蛛網
無端逗起閒吟味添幾許惜春情況待尋芳倦繡人來
閃在羅袈褶上

沁園春

髮

握向菱花光澤誰如羞他麝煤恁長侵眉翠一窩雲薄
低籠耳玉幾葉蘭齊墮馬妝新蟠龍式舊巧綰穿心時
樣宜增妍處看金蟲深譚紫燕斜飛垂垂慣貼蝨蟻
愛花露油沾香襲衣記舞偏燈底牙梳再掠睡鬆枕角
綵綫重維烟拂鴉翎露凝蟬翼總使輕盈也讓伊尋芳
去怕兜歸蜜刺休近茶蘼

前調

口

小顰含春那許盤中櫻桃鬥鮮爲粉香勻靨微黏花露
彩毫描黛淡吮松烟鳳管調來鶯笙炙去一曲清歌鶯
溜圓評茶味任素磁深淺嘗盡甘泉 休隨梁燕呢喃
且教語鸚哥鐵馬前愛瓜犀難見茜凝羞鄭丁香半露
猩滴驚樊嬾嚼紅茸愁沾綠蟻慣使纖纖剔未閒移情
處在輕輕一笑百媚嫣然

前調

日

爍爍清光低映眉山桃花是名慣深遮團扇背燈魚睽
潛迴落月對影斜凝歡定含嬌醉還送悄懊恨難禁玉
筋零無人處把鴛巾輕拭裝出多情 日長何事曹騰
憑案疊殘編展未曾喜纔臨碧澗盈盈秋水乍開青鏡

閃閃春星吟倦牕前繡慵樓上瞥見歸舟帶笑迎風流
樣怕端溪鴿鵒輸與精瑩

前調

腰

軟款圍來尺六無多纖柔絕倫向燈前欹側驚迴柳影
花邊宛轉羞覩蜂魂染恨千絲縈愁幾縷半幅曾窺湘
水裊臨風去怕娉娉嬋嬋化作行雲 曉寒料峭難溫

好緩束吳綾茜色新爲妝成有意憑闌倦舞醉餘無力
倚几慵伸剝棗應憐偎琴更惜透體沈檀一捻春誰堪
擬似盈盈佩玉洛浦仙人

臺城路

蟋蟀

井梧飄後愁堪賦俄聞這番淒語接砌花根連陰樹底

那不消人魂處高吟低訴恰經斷迴文指寒停杼燈影
青熒夜深怪爾撩愁緒苔茵露濃過雨似休還又雜
月下鳴杵唧唧荒村嚶嚶靜館作出秋聲無數何當遞
與惹鶴步挨來駮兒癡女盆盒攜歸逞餘音更苦

商景微

景微字嗣音會稽人前明尚書周祚次女景蘭

妹上虞徐咸清室有咏離堂集

眾香詞陳迦陵檢討序其集

名媛詩話嗣音年八十容貌如二十許猶吟詩
讀書不衰詩如子夜歌云弄水忍前裊采蓮畏
傷手花歌半面粧願得花間藕五彩織薰籠爐
灰皎如雪不棄熱殘香爲愛心中熱深得樂府
體裁女昭華伊壁諸生駱加采室著有徐都講
詩集工楷隸善丹青幼承母教名重一時爲毛
西河太史高弟塞上曲云朔風吹雪滿刀鏤禹